

Convenio entre a Consellería de Cultura, Educación e Ordenación Universitaria e a empresa Media Markt Saturn Administración España, SAU, para a implantación dun sistema de formación profesional dual polo réxime de bolsas

Santiago de Compostela, 13 de xuño de dous mil catorce.

REUNIDOS

Dunha parte, don Jesús Vázquez Abad, conselleiro de Cultura, Educación e Ordenación Universitaria da Xunta de Galicia, en representación desta consellería e de conformidade coas atribucións conferidas no artigo 34.1 da Lei 1/1983, do 22 de febreiro, reguladora da Xunta e do seu Presidente.

E doutra, don Ferran Reverter Planet en nome e representación da empresa Media Markt Saturn Administración España, SAU e das sociedades indicadas no anexo II deste convenio, segundo consta no poder outorgado ante a notaría de don Ildefonso Sánchez Prat, con data 21 de decembro de 2009 e número de protocolo 3.007, e dona Josefa Solanilla Cendrero en nome e representación da empresa Media Markt Saturn Administración España, SAU, segundo consta no poder outorgado ante a notaría de don Ildefonso Sánchez Prat, con data 5 de outubro de 2004 e número de protocolo 2.856.

Interveñen en función dos seus respectivos cargos e no exercicio das facultades que para convir, en nome das entidades que representan, teñen conferidas

EXPOÑEN

1º. Que a Lei orgánica 2/2006, do 3 de maio, de educación, determina no artigo 39 que a formación profesional no sistema educativo ten por finalidade preparar o alumnado para a actividade nun campo profesional e facilitar a súa adaptación ás modificacións laborais que se poden producir ao longo da súa vida, contribuír ao seu desenvolvemento persoal e ao exercicio dunha cidadanía democrática,

e permitir a súa progresión no sistema educativo e no sistema de formación profesional para o emprego, así como a aprendizaxe ao longo da vida.

2º. Que a Lei orgánica 2/2006, do 3 de maio, de educación, determina no artigo 42 bis que a formación profesional dual do sistema educativo español é o conxunto de accións e iniciativas formativas que, en corresponsabilidade coas empresas, teñen por obxecto a cualificación profesional das persoas, harmonizando os procesos de ensino e aprendizaxe entre os centros educativos e os centros de traballo.

3º. Que a Lei orgánica 5/2002, do 19 de xuño, das cualificacións e da formación profesional, especifica nos artigos 6 e 11.3 que a colaboración das empresas no desenvolvemento do Sistema Nacional de Cualificacións e Formación Profesional se desenvolverá, entre outros ámbitos, mediante a súa participación na formación do alumnado nos centros de traballo, favorecendo a realización de prácticas profesionais dos alumnos e das alumnas nas empresas e noutras entidades, e deberán establecerse os mecanismos axeitados para que a formación que reciba financiamento público poida ofrecerse por centros ou directamente polas empresas, mediante concertos, convenios, subvencións ou outros procedementos.

4º. Que a disposición adicional segunda do Decreto 114/2010, do 1 de xullo, polo que se establece a ordenación xeral da formación profesional do sistema educativo, determina que a consellería con competencias en materia de educación promoverá a colaboración coas empresas e entidades empresariais e, en particular, coas máis implicadas en sectores clave da economía galega e as relacionadas cos sectores emerxentes. Esta colaboración ten como finalidade, entre outras, a posibilidade de impartir módulos profesionais incluídos en títulos de formación profesional nas instalacións das empresas, co fin de garantir que a formación se realice cos equipamentos máis actuais, así como a actualización profesional. Esta colaboración formalizarase mediante convenio.

5º. Que o Real decreto 1529/2012, do 8 de novembro, polo que se desenvolve o contrato para a formación e a aprendizaxe e se establecen as bases da formación profesional dual, pretende crear as bases para a implantación progresiva da formación profesional dual en España, entendida como o conxunto de accións e iniciativas formativas que teñen por obxecto a cualificación profesional das persoas, combinando os procesos de ensino e aprendizaxe na empresa e no centro de formación,

propiciando unha participación máis activa da empresa no propio proceso formativo do alumnado e, daquela, permitir que estas coñezan de xeito máis próximo a formación que reciben, cada vez máis adaptada ás demandas dos sectores produtivos e ás necesidades específicas das empresas. Neste sentido, a empresa e o centro de formación profesional estreitan os seus vínculos, unen esforzos e favorecen unha maior inserción do alumnado no mundo laboral durante o período de formación.

Así mesmo, establece que terán a consideración de formación profesional dual os proxectos desenvolvidos no ámbito do sistema educativo, coa coparticipación dos centros educativos e das empresas, cando non medie un contrato para a formación e a aprendizaxe. Estes proxectos formalizaranse a través dun convenio entre a Consellería de Cultura, Educación e Ordenación Universitaria e a empresa colaboradora.

6°. Que a empresa Media Markt Saturn Administración España, SAU está disposta a participar no proxecto de implantación da formación profesional dual en Galicia, acolléndose á modalidade regulada no artigo 3.1, alínea b), do Real decreto 1529/2012 -formación coa participación da empresa-, na que esta facilita aos centros de formación os espazos, as instalacións ou as persoas expertas para impartir total ou parcialmente determinados módulos profesionais ou módulos formativos.

O alumnado participante será beneficiario de bolsas, non terá en ningún caso vinculación laboral coa empresa e non poderá establecerse entre esta e aquel ningunha relación contractual, nin sequera baixo as modalidades de contrato en prácticas ou para a formación, previsto no artigo 11 do Real decreto lexislativo 1/1995, do 24 de marzo, polo que se aproba o texto refundido da Lei do estatuto dos traballadores, polo que o alumnado acollido a este réxime de bolsas queda absolutamente excluído da lexislación laboral.

7°. Que o obxecto do presente convenio é establecer as condicións de colaboración entre a Consellería de Cultura, Educación e Ordenación Universitaria e a empresa Media Markt Saturn Administración España, SAU para a implantación dun proxecto experimental de formación profesional dual na Comunidade Autónoma de Galicia. Esta formación profesional dual combinará os procesos de ensino e aprendizaxe nas instalacións da empresa Media Markt Saturn Administración España, SAU e no centro educativo IES A Guía, de Vigo.

En consecuencia, estes organismos acordan subscribir este convenio, con base nas seguintes,

CLÁUSULAS

Primeira. Este proxecto de formación profesional dual ten carácter experimental e ten as seguintes características:

- a. Toma como referencia os currículos oficiais implantados na Comunidade Autónoma de Galicia, neste caso concreto o establecido no Decreto 311/1999, do 28 de outubro, polo que se establece o currículo do ciclo formativo de grao superior correspondente ao título de técnico superior en Xestión Comercial e Márketing.
- b. Terá unha duración desde o 15 de setembro de 2014 ata o 31 de agosto de 2016.
- c. A formación impartirase de xeito compartido entre o centro educativo e a empresa asinante, garantindo a adquisición dos resultados de aprendizaxe establecidos no currículo do ciclo formativo de Xestión Comercial e Márketing para a obtención do título de técnico superior en Xestión Comercial e Márketing.
- d. Ademais, atendendo ás características da empresa, incorpórase formación complementaria á establecida no currículo do ciclo formativo correspondente, para reforzar a formación do alumnado e mellorar a súa empregabilidade.

Segunda. As concrecións deste proxecto experimental de formación profesional dual para o ciclo formativo de Xestión Comercial e Márketing (distribución da formación curricular do ciclo formativo, distribución global do proxecto, temporalización dos módulos profesionais) están recollidas no anexo deste convenio. A programación de cada módulo profesional para cada un dos cursos académicos en que se desenvolve o proxecto, á que se refire o artigo 30 do Real decreto 1529/2012, do 8 de novembro, incorporárase como addenda a este convenio con carácter previo ao inicio do curso correspondente.

Terceira. A empresa Media Markt Saturn Administración España, SAU comprométese a acoller nas súas instalacións un mínimo de 12 alumnos e alumnas para este proxecto experimental de formación profesional dual. Este alumnado deberá cumprir os requisitos de admisión establecidos na orde da Consellería de Cultura, Educación e Ordenación Universitaria que autorice este proxecto experimental de formación profesional dual.

A empresa Media Markt Saturn Administración España, SAU colaborará coa Consellería de Cultura, Educación e Ordenación Universitaria na selección do alumnado solicitante que cumpra os re-

quisitos de admisión. Para tal fin, poderán realizarse entrevistas psicoprofesionais e probas de coñecementos que permitan identificar a idoneidade dos/das candidatos/as en relación co perfil profesional que adquirirá o alumnado na empresa ao longo do proxecto.

Cuarta. A empresa Media Markt Saturn Administración España, SAU comprométese a financiar o proxecto de formación regulado neste convenio, mediante o establecemento dun sistema de bolsas dirixido ao alumnado participante.

Este réxime de bolsas estará suxeito ás seguintes especificidades:

- a. A empresa Media Markt Saturn Administración España, SAU achegará a cada alumno ou alumna do proxecto, en períodos mensuais con carácter irrevogable, salvo polas causas legalmente previstas no artigo 648 do Código Civil, unha bolsa por un importe que non poderá ser inferior á parte proporcional, en función do tempo de actividade profesionalizadora que realice o alumnado durante a súa estadía na empresa, do salario mínimo interprofesional, publicado para cada ano de duración do proxecto.
- b. O importe das bolsas deberá facerse efectivo mediante ingresos que, con periodicidade mensual, serán realizados no número de conta bancaria que cada alumno ou alumna comunique para tal efecto á empresa.
- c. Os alumnos e as alumnas participantes no proxecto de formación obxecto do presente convenio serán incorporados ao réxime xeral da Seguridade Social. A conseguinte afiliación e/ou alta, así como a baixa no devandito réxime, producirase a partir da data de inicio e na de cesamento da actividade profesionalizadora das persoas participantes no programa de formación, nos termos, nos prazos e cos efectos establecidos no regulamento xeral sobre inscrición de empresas e afiliación, altas, baixas e variacións de datos de traballadores na Seguridade Social, aprobado polo Real decreto 84/1996, de 26 de xaneiro.
- d. Para os efectos do previsto no Real decreto 1493/2011, do 24 de outubro, polo que se regulan os termos e as condicións de inclusión no réxime xeral da Seguridade Social das persoas que participen en programas de formación, en desenvolvemento do previsto na disposición adicional terceira da Lei 27/2011, a empresa Media Markt Saturn Administración España, SAU terá a condición de empresario, asumindo os dereitos e as obrigas en materia de Seguridade Social establecidos para estes no réxime xeral da Seguridade Social.
- e. Para a inclusión no réxime xeral da Seguridade Social das persoas participantes no programa de formación obxecto do presente protocolo de colaboración, a empresa Media Markt Saturn

Administración España, SAU comprométese a solicitar un código de conta de cotización específico.

- f. A condición de participante no programa de formación de cada alumno ou alumna seleccionado acreditarase mediante certificación expedida pola empresa Media Markt Saturn Administración España, SAU.
- g. Para a efectividade do réxime de bolsas, a empresa colaboradora e as persoas bolsseiras deberán cumprir sempre os requisitos establecidos na normativa que regula os proxectos de formación profesional dual e neste convenio.

Quinta. O alumnado adquirirá formación no centro educativo durante o primeiro trimestre de cada un dos cursos de duración do proxecto formativo, no horario lectivo que se estableza.

Sexta. A estadía do alumnado na empresa estenderase ao longo do segundo e o terceiro trimestres de cada un dos cursos de duración do proxecto, que rematará en agosto de 2016. Durante o período formativo na empresa, o horario da actividade formativa e profesionalizadora deberá desenvolverse dentro do marco temporal do horario laboral da empresa, reservándose ata un máximo de catro horas cada quincena para a recepción do alumnado no centro educativo por parte do titor ou da titora, na que se realizarán actividades de seguimento, asesoramento e apoio.

Sétima. O alumnado deste proxecto disporá dun mínimo de trinta días naturais de vacacións en cada un dos cursos de duración do proxecto. Para estes efectos computaranse, por unha parte, as vacacións escolares, establecidas para cada curso no correspondente calendario escolar, das que o alumnado se beneficie durante a súa estadía no centro educativo, e, por outra parte, os días restantes ata completar, cando menos, o mínimo establecido, que determinará a empresa no período de estadía do alumnado na empresa.

Oitava. Consonte o artigo 30.5 do Real decreto 1592/2012, do 8 de novembro, a actividade formativa na empresa e no centro educativo coordinarase mediante reunións mensuais de control nas que se fará seguimento do alumnado.

A empresa Media Markt Saturn Administración España, SAU nomeará unha persoa como titor ou titora do alumno ou da alumna, que será responsable do seguimento da actividade formativa, da

coordinación da actividade profesionalizadora coa actividade formativa e da comunicación co centro de formación.

Así mesmo, o centro formativo designará un profesor ou profesora, ou formador ou formadora, como titor ou titora responsable da programación e do seguimento da formación, así como da coordinación da avaliación co profesorado e/ou os titores e as titoras que interveñen. Ademais, esta persoa será a interlocutora coa empresa para o desenvolvemento do proxecto.

Novena. Establecerase unha comisión de seguimento, control e supervisión, que se reunirá cando se considere oportuno por calquera das partes asinantes. Esta comisión estará constituída polos seguintes membros:

En representación da Consellería de Cultura, Educación e Ordenación Universitaria:

- A persoa titular da subdirección xeral de formación profesional ou persoa en quen delegue.
- A persoa titular da dirección do IES A Guía.
- O profesor titor ou a profesora titora do centro educativo.

Tres representantes da empresa Media Markt Saturn Administración España, SAU.

Un funcionario ou unha funcionaria da Consellería de Cultura, Educación e Ordenación Universitaria actuará como secretario ou secretaria.

Décima. O convenio entrará en vigor na data da súa sinatura e terá vixencia ata o 31 de agosto de 2016.

Décimo primeira. Este convenio extinguirase pola finalización do tempo convindo e poderase resolver por calquera das partes, mediante denuncia dalgunha delas, que se lle deberá comunicar á outra cunha antelación mínima de quince días, baseada nalgunha das seguintes causas:

- a. Cesamento das actividades do centro docente ou da empresa.
- b. Forza maior que imposibilite o desenvolvemento das actividades programadas.
- c. Incumprimento das cláusulas establecidas neste convenio.
- d. Mutuo acordo entre o centro docente e a empresa.

Décimo segunda. Carácter administrativo do convenio.

Este convenio de colaboración posúe carácter administrativo por razón do contido e das materias sobre as que versa, as cales, ao abeiro do disposto no artigo 4.1 e 2 do Real decreto legislativo 3/2011, do 14 de novembro, polo que se aproba o texto refundido da Lei de contratos do sector público, o exclúen do seu ámbito de aplicación, sen prexuízo da aplicación dos principios desta para resolver as lagoas ou dúbidas que a súa aplicación suscite.

Dada a natureza administrativa deste instrumento xurídico, as controversias ou cuestións litixiosas que xurdiren na súa aplicación e non puideren ser solucionadas no seo da comisión de seguimento serán resoltas pola xurisdición contencioso-administrativa.

De conformidade co disposto na Lei orgánica 15/1999, do 13 de decembro, de protección de datos de carácter persoal, e co Real decreto 1720/2007, polo que se aproba o regulamento polo que se desenvolve a citada lei orgánica, nin o alumnado nin a empresa que por razón das actividades formativas teñan acceso a datos de carácter persoal disporán destes con finalidade distinta á exixida polas accións formativas.

Lido este convenio, atópano conforme e asínano no lugar e na data indicados.

O conselleiro de Cultura, Educación e Ordenación Universitaria

Asdo.: Jesús Vázquez Abad

**O director executivo de
Media Markt Saturn Administración
España, SAU**

**A directora de recursos humanos de
Media Markt Saturn Administración Es-
paña, SAU**


Asdo.: Ferran Reverter Planet

Asdo.: Josefa Solanilla Cendrero



ANEXO I

Distribución da formación curricular do ciclo formativo



CF: ciclo formativo.

FCT: formación en centros de traballo.

FCCE: formación curricular centro/empresa.

FEM: formación en empresa.

FCE: formación en centro educativo.

FP dual					
			Curso 14-15	Curso 15-16	TOTAL
Formación curricular	Centro educativo	Formación centro educativo (67%)	320	320	640
	Empresa	Formación en empresa (33%)	160	160	320
Total			480	480	960



Distribución global do proxecto

Curso 2014-2015

FCE 320 h (20%)	FEM 160 h (10%)	AP 900 h (57%)	FCO 190 h (13%)
-----------------------	-----------------------	----------------------	-----------------------

Curso 2015-2016

FCE 320 h (20%)	FEM 160 h (10%)	AP 1075 h (68%)	FCO 15 h (2%)
-----------------------	-----------------------	-----------------------	---------------------

FCE: formación en centro educativo.

FEM: formación na empresa.

FCO: formación complementaria.

AP: actividade profesionalizadora.

FP dual						
				Curso 14-15	Curso 15-16	Total
Formación curricular	Centro educativo	Formación centro educativo (20%) (20%)		320 h	320 h	640 h
		Formación en empresa (10%) (10%)		160 h	160 h	320 h
Actividade profesionalizadora / formación en empresa	Empresa	Actividade profesionalizadora / formación complementaria	Actividade profesionalizadora (57%) (68%)	900 h	1.075 h	1.975 h
			Formación complementaria (13%) (2%)	190 h	15 h	205 h
Total				1.570 h	1.570 h	3.140 h

Formación curricular.

Actividade profesionalizadora / formación complementaria.



Temporalización dos módulos profesionais

Curso 2014-2015

Planificación

Curso 2014 - 2015													
Set.	Out.	Nov.	Dec.	Xan.	Feb.	Mar.	Abr.	Maio	Xuño	Xullo	Ago.	Set.	
	Formación no centro educativo			Actividade profesionalizadora / formación complementaria / formación na empresa									

Organización dos módulos profesionais

Código módulo	Nome módulo	Horas totais módulo	FCE	FEM
CS0087	Aplicacións informáticas de propósito xeral.	110	70	40
CS0098	Língua estranxeira (inglés).	130	110	20
CS0102	Márketing no punto de venda.	100	60	40
CS0117	Xestión da compravenda.	140	80	60
TOTAL		480	320	160



Curso 2015-2016

Planificación

Curso 2015 - 2016													
Set.	Out.	Nov.	Dec.	Xan.	Feb.	Mar.	Abr.	Maio	Xuño	Xullo	Ago.	Set.	
	Formación no centro educativo			Actividade profesionalizadora / formación complementaria / formación na empresa									

Organización dos módulos profesionais

Código módulo	Nome módulo	Horas totais módulo	FCE	FEM
CS0108	Políticas de márketing.	120	85	35
CS0FOL	Formación e orientación laboral.	55	40	15
CS0100	Loxística comercial.	140	60	80
CS0097	Investigación comercial.	85	55	30
CS0110	Proxecto integrado.	80	80	-
TOTAL		480	320	160

ANEXO II

Sociedades participantes no proxecto

Media Markt A Coruña Video-TV-Hifi-Elektro-Computer-Foto, S.A. CIF núm. A64421555.

Media Markt Ferrol, S.A. CIF núm. A64644990.

Media Markt Lugo Video-TV-Hifi-Elektro-Computer-Foto, S.A. CIF núm. A63906135.

Media Markt Vigo Video-TV-Hifi-Elektro-Computer-Foto, S.A. CIF núm. A63297097.

Igualmente formarán parte deste convenio as sucesivas sociedades con domicilio en Galicia que se constitúan no futuro coa denominación Media Markt.